



küstern weren prächtige Hawe dārut to maken, dā entfund  
 hier oof een Proceß tūschen Kron un Amtschauptmann un  
 tūschen de freien Buren, de sīck nīch wullen godwillig aff-  
 drīwen noch as de blōden Hunde van ehrem Egenom  
 jagen laten. De Buren hier hedden dertid eenen dūch-  
 tigen Schulten, de het Grōning, de let dat so licht nīch  
 slippen. De Sak tog sīck woll een sīw sōs Jāhr so hen,  
 un tolest schullen de Buren un de Amtschauptmann nah  
 Wīsmar reisen un dā vōr'm Kōning sīlwfst erschienen un  
 sprekē. Un Schult Grōning reiste ut mit eenem annern  
 Buren, de Hīnrich Lang het, un se hedden ehre Brewe  
 un Papiere mitnahmen. Dat verging eene rume Tid, so  
 hūrden de Langenhanshāger, ehre Lūde weren in Wīsmar  
 nīch west; un to Hus kēmen se oof nīch wedder. Un se  
 weren up ewig van disser Welt vōrswunnen, un mit en  
 weren oof alle Papiere un Landbrewe verlāren. Un bald  
 ging't oof hier an de Junkerwirthschaft, alle Burstellen  
 wurden dalleggt un grote Hāwe dārut makt. Manck de  
 Burslūde āwerst munkelde et, de Schult un sīn Kamrat  
 weren doodslagen up der Reis; denn de doode Hund bestt  
 un bitt nīch. Ditt geschach, as mīn selig Bader een  
 junger Gefell was, de mī oft dāvan vōrteltt hett. Dat  
 markten sīck de Lūd āwerst as wat Affsūnnerlichs, datt et  
 sīt der Tid nīch richtig was an der Sandkule, wenn man  
 den Weg kīmmt, de ut Langenhanshagen nah Holthoff  
 geiht un nah de Rōbniger Māhl un Redebass. Dā hett  
 et fōr mennigen spōkt un dat Volk seggt, keē Rūter kann  
 dā des Nachts vōrbi riden, datt dat Verb sīck nīch strūwt  
 un steilt un mit em utriten wīll, un menniger is dā im



Sand ümwöltert worden. So weren veele Jähre vörgahn un de vörschollenen Buren lange vörgeten, dä gröben se mal hi'm Wegbetern recht deep in de Kule herin un gröben de Knaken van twee Liken ut. Un de olden Lüde, de wieder denken können, spreken unner sick, dat weren woll Schult Gröning un de anner Bur, de se nah Wismar affardigt hedden; de Böswichter un Burenverdelger hedden de dood slagen, en de Papiere afnahmen un se in den Sand vörscharrt. Ob dat nu währ is, weet ick nich, dat äwerst weet ick, datt et nich mehr spökt, sit de Knaken up dem Karkhoff begraben sünt un in hilliger Erd liggen.